

patrocínio Numinis confisus. Quam in rem magnam altamq; crucis effigiem plauastro imponunt, prælatoq; rubro vexillo, ad locum prælij lati properant; ac priusquam acie committantur, omnes prostrati in terram tam equites quàm pedites submissi Deum exorant, publicas preces Magdenburgensi Archiepiscopo inter lacrymas ordiente. Post quæ tantus pugnandi ardor incessit Orthodoxos, ut ad primum statim congressum acies Henrici Regis turbata eversaque, Rege inter primos fugiente. Ingens hostium strages facta, quam Sigebertus quatuor millium scribit. Ex Orthodoxis non nisi quindecim desiderati, & triginta faucij memorantur. Inter spolia castrorum reperta ingens Episcoporum supellex sacra. Auctor Apologiae Henricianæ cladis acceptæ culpam refert in Coloniensis & Trajectensis Episcopi milites, quòd hi primi ex acie profugerint. In hunc modum jam quintum turpiter prælio cæsus Henricus Schismaticus Rex. Victori mox etiam Herbipolis cessit, restitutusque Adalbero Episcopus, à Rege ejectus. Nam ob hanc causam hæc arma à fœderatis contra Regem suscepta erant, ut Episcopos ab Henrico Rege depulsos reponerent. Redditus tum etiam sedi suæ Altmannus, ad cuius conspectum Timo Schismaticus Passavij Episcopus miseranda morte inter desperationis voces animam e corpore ejecit.

Henricus
regali
prædio
donat U-
donem
Ep. Hil-
desh.

Sed tanto contentius laborabat Henricus Rex, ut Schismaticos Episcopos in sua factione retineret; ejus quoque rei gratia Udonem Hildesimensem Episcopum, qui ex Saxonibus ad se transfierat, regali prædio donavit, quod ex hisce tabulis cognosci poterit.

*In nomine sanctæ et individue Trinitatis, Henricus divina favente clementia tertius Romanorum Imperator Augustus. Omnibus Dei nostrisque fidelibus tam futuris quam presentibus notum esse volumus, qualiter nos Ecclesiæ Hildenesheimensi mediante fidei nostro Udone ejusdem Sedis Episcopo curtem nostram nomine Werla et villas eodem pertinentes, nomine Immenrotbe et Fehthere, cum omnibus appendiciis, idest, mancipiis, pratis, pascuis, aquis aquarumque decursibus, molis et molendinis, campis, silvis et piscationibus, exitibus et redditibus, quasitis et inquirendis, seu cum omni utilitate, quæ ullo modo inde poterit provenire, in proprium dedimus, excipientes de hac ipsa donatione clientes nostros cum bonis eorum, et silvam, quæ dicitur Harz, cum forestali jure, et Goslariam cum bonis fratrum Goslariensis Ecclesiæ. Illa autem supra dicta bona pro mansis ducentis dedimus; ea videlicet ratione, ut si quid ibidem ultro ducentos mansos inveniret, nobis retineremus. Si quid minus, id suprascriptæ Ecclesiæ aliunde supplere-
mus. Et ut nostræ hujusmodi donationis auctoritas omni ævo stabilis et incon-
vulsa permaneat, hanc cartam inde conscribi et sigilli nostri impressione
jussimus insigniri.*

Signum Domni Heinrici tertii Romanorum Imperatoris Augusti.

Herimannus